



Cuira, ils 30 da settember 2024

Communicaziun a las medias

Radunanza da delegadas e delegads da la Lia Rumantscha 2025 a Turitg

La suprastanza da la Lia Rumantscha ha decis da salvar sia radunanza da delegadas e delegads l'onn proxim en la citad da Turitg. La radunanza ha lieu sonda, ils 21 da zercladur 2025 en la chasa d'events «X-TRA» en cumbinaziun cun il «Festivalet», in'occurrenza d'inscunter cun in vast program cultural rumantsch che vegn realisada la medema fin d'emna.

Quest onn tracta il Parlament federal la missiva da cultura per ils onns 2025–2028. Previsiblamain vegn el ad approvar en quest connex ina midada da la Lescha federala davart las linguas naziunalas e la chapientscha tranter las cuminanzas linguisticas. Da nov vegn francada en la lescha federala la promoziun dal rumantsch er ordaifer il territori linguistic tradiziunal.

Per tegnair quint da quest pass impurtant ha la suprastanza da la Lia Rumantscha decis da situar la radunanza da delegadas e delegads per l'emprima giada ordaifer il chantun Grischun. Quella ha lieu ils 21 da zercladur 2025 en la citad da Turitg. La medema fin d'emna organisescha in comité sut l'egida da l'uniun Cultura Rumantscha en la Bassa il «Festivalet». Quest'occurrenza d'inscunter en la chasa d'events «X-TRA» ed en la Baselgia da S. Gion vischina porscha in vast program cultural rumantsch e cumplettescha a moda ideala la radunanza planisada.

Contact

Lia Rumantscha

Markus Solinger

secretari general

Via da la Plessur 47 | 7001 Cuira

telefon +41 (0)81 258 32 22

e-mail: info@rumantsch.ch